

**IV. OPOSICIÓN E CONCURSOS****SERVIZO GALEGO DE SAÚDE**

*RESOLUCIÓN do 15 de marzo de 2023, da Dirección Xeral de Recursos Humanos, pola que se fan públicos os acordos dos tribunais que xulgan o proceso selectivo para o ingreso en diversas especialidades da categoría de facultativo/a especialista de área, convocado pola Resolución do 18 de xuño de 2021, relativos á baremación definitiva da fase de concurso e á publicación das persoas aspirantes seleccionadas.*

A base oitava da Resolución da Dirección Xeral de Recursos Humanos, do 18 de xuño de 2021 (*Diario Oficial de Galicia* núm. 123, do 30 de xuño), pola que se convoca concurso-oposición para o ingreso en diversas especialidades da categoría de facultativo/a especialista de área do Servizo Galego de Saúde, dispón que contra os resultados da baremación provisional, os/as aspirantes que o consideren oportuno poderán presentar reclamación ante o propio tribunal no prazo de dez días hábiles, contados a partir do seguinte ao da súa publicación no *Diario Oficial de Galicia*.

Á vista das reclamacións presentadas ou apreciado de oficio polo órgano de selección algún erro material na baremación provisional asignada aos/ás aspirantes, o tribunal efectuará as oportunas correccións e aprobará as puntuacións definitivas da fase de concurso e a relación de aspirantes seleccionados/as, pola orde de puntuación alcanzada nas diferentes quendas de acceso, e elevará esta relación á autoridade convocante para a súa publicación no *Diario Oficial de Galicia*.

Na base novena da citada resolución dispónse, ademais, que as persoas aspirantes definitivamente seleccionadas disporán do prazo dun mes, contado desde o día seguinte ao desta publicación, para a presentación da documentación preceptiva exixida na convocatoria.

De conformidade co anteriormente exposto, esta dirección xeral, como órgano convocante do proceso,

**RESOLVE:**

Primeiro. Publicar na páxina web do Servizo Galego de Saúde ([www.sergas.es](http://www.sergas.es)), os acordos dos tribunais relativos á puntuación definitiva da fase de concurso obtida polas



persoas aspirantes que superaron a fase de oposición do proceso selectivo para o ingreso en diversas especialidades da categoría de facultativo/a especialista de área, convocado pola Resolución do 18 de xuño de 2021.

Cada aspirante poderá consultar, ademais, o detalle da puntuación obtida nas distintas epígrafes do baremo no seu expediente electrónico persoal en Fides/expedient-e/sección de procesos.

Segundo. Publicar, como anexo desta resolución, a relación das persoas aspirantes seleccionadas neste proceso, segundo a orde de puntuación acadada nas diferentes quendas de acceso, de conformidade co número de prazas convocadas e a previsión contida na base 1.4.3 da resolución de convocatoria.

Terceiro. De conformidade coa base 9.1 da convocatoria, os/as aspirantes seleccionados/as que se relacionan no anexo desta resolución disporán do prazo dun mes, contado desde o día seguinte ao da súa publicación, para presentar a seguinte documentación:

a) Declaración, baixo a súa responsabilidade, de non ter sido separado/a do servizo, mediante expediente disciplinario, de calquera servizo de saúde ou Administración pública nos seis anos anteriores á convocatoria, nin estar inhabilitado/a con carácter firme para o exercicio de funcións públicas nin, de ser o caso, para a correspondente profesión.

No caso dos/das nacionais doutro Estado, non estar inhabilitado/a, por sanción ou pena, para o exercicio profesional ou para o acceso a funcións ou servizos públicos nun Estado membro, nin ser separado/a, por sanción disciplinaria, dalgunha das administracións ou servizos públicos nos seis anos anteriores á convocatoria.

b) Certificado médico acreditativo de non padecer enfermidade nin defecto físico que o/a imposibiliten para o exercicio das funcións propias da correspondente especialidade.

c) Por exixencia do artigo 57 da Lei orgánica 8/2021, do 4 de xuño, de protección integral á infancia e á adolescencia fronte á violencia, certificación do Rexistro Central de Delinquentes Sexuais e de Trata de Seres Humanos de non ter sido condenado/a por sentenza firme por algún delito contra a liberdade e indemnidade sexual ou, na súa falta, autorización escrita ao Servizo Galego de Saúde para consultar os datos contidos no citado rexistro e solicitar no seu nome a oportuna certificación.



Esta autorización deberá prestarse no modelo que, para o efecto, consta na páxina web do Servizo Galego de Saúde, na epígrafe relativa a emprego público ([www.sergas.es/emprego público](http://www.sergas.es/emprego-publico)).

d) Declaración baixo a súa responsabilidade de non ter a condición de persoal estatutario fixo da mesma especialidade a que opta.

De conformidade coa base 9.2 da Resolución do 18 de xuño de 2021, os/as que dentro do prazo fixado non presenten a documentación, ou do exame dela se deduza que carecen dalgún dos requisitos para participar no proceso selectivo, non poderán ser nomeados/as persoal estatutario fixo e quedarán anuladas as súas actuacións, sen prexuízo da responsabilidade en que incorran por falsidade na solicitude inicial.

Cuarto. A documentación requirida nesta resolución deberá presentarse nun rexistro administrativo ou a través de calquera dos procedementos previstos no artigo 16 da Lei 39/2015, do 1 de outubro, e deberá dirixirse á Dirección Xeral de Recursos Humanos do Servizo Galego de Saúde, Edificio Administrativo San Lázaro, s/n, 15703 Santiago de Compostela.

Quinto. Esta resolución poderá ser impugnada nos termos previstos na base XI da Resolución de convocatoria do proceso, do 18 de xuño de 2021 (*Diario Oficial de Galicia* núm. 123, do 30 de xuño).

Santiago de Compostela, 15 de marzo de 2023

Ana María Comesaña Álvarez  
Directora xeral de Recursos Humanos

CVE-DOG: spzwdce2-h6i6-mze8-jby7-bo2whryti3q4





## ANEXO

## Facultativo/a especialista da Área de Cirurxía Oral e Maxilofacial

Nº	DNI	Apelidos e nome	Acceso	Nota OPE	Formación	Experiencia	Docencia, investigación e innovación sanitaria	Total
1	***4789**	Chávez Bonilla, Vanessa	LI	54,375	10,610	14,800	2,217	82,002
2	***4818**	Megias Barrera, Joaquim	LI	45,625	13,560	14,650	4,000	77,835
3	***6953**	Arenaz Bua, Jorge	LI	52,625	5,490	15,240	4,000	77,355

## Facultativo/a especialista da Área de Cirurxía Pediátrica

Nº	DNI	Apelidos e nome	Acceso	Nota OPE	Formación	Experiencia	Docencia, investigación e innovación sanitaria	Total
1	***3072**	García González, Miriam	LI	54,500	14,000	22,000	4,000	94,500
2	***6239**	García Palacios, María	LI	53,375	13,630	22,000	4,000	93,005
3	***3704**	Lema Carril, Ana	LI	53,875	8,141	22,000	4,000	88,016
4	***0295**	Aneiros Castro, Belén	LI	53,750	13,600	10,000	4,000	81,350
5	***5320**	Rodríguez Iglesias, Patricia	LI	54,500	10,700	10,200	4,000	79,400

## Facultativo/a especialista da Área de Cirurxía Plástica, Estética e Reparadora

Nº	DNI	Apelidos e nome	Acceso	Nota OPE	Formación	Experiencia	Docencia, investigación e innovación sanitaria	Total
1	***4259**	Couto González, Iván	LI	58,250	11,570	22,000	4,000	95,820
2	***4104**	Pacheco Compañía, Francisco Javier	LI	58,125	13,730	17,600	4,000	93,455
3	***5938**	Gago Vidal, Bruno	LI	56,375	11,600	22,000	2,925	92,900
4	***7629**	González Rodríguez, Alba	LI	59,375	10,780	12,000	4,000	86,155
5	***7636**	González Porto, Sara Alicia	LI	55,625	13,890	3,570	3,616	76,701



## Facultativo/a especialista da Área de Inmunoloxía

Nº	DNI	Apelidos e nome	Acceso	Nota OPE	Formación	Experiencia	Docencia, investigación e innovación sanitaria	Total
1	***9392**	Abad Alastruey, María Luisa	LI	43,000	6,580	22,000	4,000	75,580
2	***2842**	Mirete Bachiller, Serafín	LI	34,375	11,660	22,000	3,000	71,035

## Facultativo/a especialista da Área de Oncoloxía Radioterápica

Nº	DNI	Apelidos e nome	Acceso	Nota OPE	Formación	Experiencia	Docencia, investigación e innovación sanitaria	Total
1	***0702**	Taboada Valladares, María Begoña	LI	56,125	10,570	18,800	4,000	89,495
2	***8314**	Willisch Santamaría, Patricia	LI	51,250	11,550	22,000	3,750	88,550
3	***1227**	Ramírez Vargas, Rubén Darío	LI	55,000	10,500	22,000	0,500	88,000
4	***4742**	Rodríguez de Dios, Nuria	LI	51,250	10,603	22,000	4,000	87,853
5	***2754**	Martínez Agra, Marta	LI	51,750	11,570	22,000	1,101	86,421
6	***4949**	Formoso García, Inés	LI	55,125	10,550	16,600	1,400	83,675

Acceso: DI: discapacidade xeral; LI: libre; PI: promoción interna.

(\*) Ocúltase parcialmente o número de documento nacional de identidade para preservar os datos de carácter persoal, segundo a Lei orgánica 3/2018, do 5 de decembro.